

欽定剿平三省邪匪方略

正編

五

八

欽定剿平三省邪匪方略正編卷一百七十九

辛酉年

十月十一日

甲寅

上命軍機大臣傳諭額勒登保德楞泰曰近日節據軍營奏報各股竄匪經官兵屢次截剿勢日窮蹙不過奔竄深山老林苟延殘喘卽日定可蕨功但此等邪匪祇係內地亂民乘間搶掠東奔西竄並無一定賊巢賊首非如從前辦理西北兩路及大

小金川掃穴犁庭馳遞紅旗方爲大功告歲且起
事積惡首逆如劉之協王三槐羅其清姚之富齊
王氏王廷詔徐添德等俱以次就擒現在所剩龍
紹周湯思蛟劉潮選樊人傑苟文明高見奇李彬
戴四崔胡等犯並非起事諸逆可比卽剿除淨盡
亦無馳遞紅旗之理而額勒登保德楞泰等節次
擒渠獻馘酬庸懋典朕已默識於懷一俟藏事有

大局於撤大兵卽有二一遺孽或歸入搜捕餘匪
善後事宜或酌留官兵督捕或竟責成本省督撫
酌添本省兵力分飭搜剿惟在額勒登保德楞泰
二人度量情形據實具奏一俟奏報大局裁定卽
當明降諭旨酬庸奏凱彼時德楞泰當先行來京
入覲叩謁

裕陵後令其前赴成都將軍之任辦理善後諸事再令

額勒登保還朝所有官兵應撤應留之處統俟額
勒登保德楞泰酌量辦理此乃朕預籌全局務期
蕝功完善伊等不可因有此旨遂爾草率完事或
致異日復留後患則殊非朕意也倘此時蕝功尙
無把握約於何日始能定局亦卽據實奏聞不可
稍涉含混

十二日乙卯陸有仁奏言連日接據探報賊匪齊

家營辛斗姚馨佐高見奇等股總在西鄉南鄭
寧羌邊界往來逃竄齊家營辛斗一股竄至西
鄉之菩提河分水嶺復經官兵逼向通江邊界
之鞍子溝一帶適副將楊芳等帶兵趕到卽於
黑河溝地方截住痛剿生擒首逆辛斗賊日蔡
坤和並殲獲匪衆四百餘名餘賊無多向馬家
壩逃竄楊芳緊跟追剿又高見奇餘匪竄至寧

羌邊界之沙壩楊遇春帶兵追截殲斃一百餘人其張添倫餘匪竄至寧羌之常家崖等處經叅將王興朝帶兵截擊賊卽折回廣元邊界慶成慶溥現在分投堵剿經畧額勒登保由通江西河口移至寧羌邊界之沙壩一帶居中督剿此時各路官兵均在邊境偵探賊蹤分投剿辦

所需糧餉臣督飭隨地源源運供幸未稍有缺

集卷之三
四
悞惟查餉銀一項自六月以後祇有截留甘餉
銀三十萬兩其餘皆在例餉及寧陝鎮經費內
通融挹注嗣蒙

恩准於甘省賑餉內截留銀二十萬兩並令將寧陝

建營事宜緩至來春

口口

當卽飛飭地方官暫緩

興工先行搭蓋窩棚以資防兵棲止一面行知
藩司溫承惠於甘餉內截留銀二十萬兩連准

餉二十萬兩一併趕解漢中以應軍營要用連
據該司具稟各營夏秋二季例餉需銀二三十
萬現將淮餉二十萬兩截留省城酌量給領現
在解到漢中僅止甘餉二十萬兩各路隨征兵
勇八月分軍餉並酌發各營卡防堵兵勇分例
我發尙屬不敷至九月餉銀已無項支發雖尙
有粵餉二十萬兩據報八月始行起程須十一

月間方可到陝緩難濟急因思甘省後起賑銀
係備冬底明春加展之項尚可緩急相通以濟
陝省目前要用隨與督臣長麟札商於晉省解
甘餉銀內暫截借銀二十萬兩俟粵省餉銀一
到卽爲照數歸還

陸有仁又奏言查今歲自春徂秋興安漢中各
屬及寧陝孝義等處寨勇一見官兵追賊相近

土命有集衆下寨協助者有卽在寨上轟擊者每次
俱有殲擒其窺伺邊界之賊近處寨勇亦俱併
力赴卡隨同官兵堵截並有零股賊匪竄入官
兵未到之先卽經鄉勇轟出者至於敗竄潛匿
之匪鄉勇隨地搜緝或生擒賊目或拏獲餘匪
數名十數名不等臣於每次據報查明視其獲
賊之多寡或賞發銀鏤銀牌或酌給虛銜頂戴

使其觀感奮興益加努力就陝省現在搜捕情形而論零星逃竄之賊相近寨堡者已斷不致任其漏網其成股賊匪往往潛伏於深山老林人跡罕到之處是以殲洗稍稽一經官兵轟出各路寨勇並可幫同剿捕一面到處盤緝自無難尅日蕝功奏入

上命軍機大臣傳諭陸有仁曰據奏官兵分路剿賊

情形與經畧額勒登保等所奏大畧相同至所稱
九月餉銀無可支發與長麟札商於晉省解甘餉
銀內再截留銀二十萬兩一節此項銀兩本爲甘
肅賑濟緊要撥往現旣據陸有仁截留應用亦祇
可暫時通融俟粵省餉銀到陝卽當照數歸完甘
省斷不可再行截留致悞該省災賑之用昨額勒
登保已將盛京應撤官兵九百餘名分起照料起

程其吉林黑龍江官兵應行撤回者均次第辦理
現在陝省兵數有減無增而七十五一路現在川
境未經入陝此時該省應用銀餉大可節省但大
功不日告蕝一切善後尙須支用今又令兩淮鹽
政書魯將銀三十萬兩撥解陝省儲備更爲充裕
自可足資接濟陸有仁惟當督飭屬員撙節支用
不可稍有糜費又據奏陝省寨勇無不齊心合力

陝省自團勇結寨以後遇有零星敗竄賊匪屢次
搜獲送官深堪嘉許但恐自賊中投出之人寨勇
等或希圖縛獻邀功或因素有嫌隙輒加戕害不
可不預爲飭禁陸有仁當出示曉諭各處鄉勇遇
有官兵追賊相近卽應出寨協助其被官兵剿敗
零星竄近各寨賊匪該鄉勇卽當奮力擒縛解送
附近軍營或地方官審明實係真賊自當量爲獎

賞至教匪一經沒出卽屬良民若鄉勇等因挾嫌
報復遽行戕害不但不能邀功必當治以擅殺之
罪如此明切曉諭於緝匪之中仍寓安良之意方
爲妥善

十四日丁巳德楞泰奏言臣接據探報龍逆竄至

竹谿屬之五里堽李應貴等緊躡尾追該逆又
由高足河東向雲霧溪竄逃賽冲阿温春色爾

滾馬瑜蒲尙佐等趕抵招風崖賊匪又由雲霧
溪北竄賽冲阿馬瑜侍衛達勒精阿富僧德協
領穆騰額叅將馬應國等由右手之九道梁一
帶遏其竄入湖北腹地温春色爾滾蒲尙佐侍
衛蘇爾伸副總管蘇清阿副將李應貴叅將馬
元等仍卽緊躡其尾該逆於二十三日至瓦桑
河知右手北面已有官兵遂由大石堰一帶西

竄勢必趨向陝界地勢稍平箐林亦稀馬力尙

能施展臣仍令賽冲阿馬瑜等帶領馬步隊分

路兜剿臣卽移至三省毗連適中之大寧徐家

壩扼要搜剿一面差探湯劉賊蹤一面分差兵

勇四出哨探零星賊匪二十四日探得屏風寨

有賊匪一百餘人當卽派令總管富登阿副將

達自祥叅將李東山等帶領馬步兵勇進剿及

至屏風寨不遠賊四散遁入密林李東山等帶
領步兵入林追剿共斃賊五十七名生擒謝恩
俸等三十五名復又搜獲周方來等九名趕至
向家壩只有賊匪十餘人連夜遁去據獲犯供
稱係黃號張萬林股內前在陝西打散夥黨亦
無頭目訊出戰手謝恩俸等二十五名當卽正
法其李維發等係安平寨難民概行省釋二十

五日又據探報有由陝西鎮坪翻雞心嶺入川

之易溪一股賊匪不知姓名約有七八百人向

菜子壩一帶竄來

臣

卽督率侍衛克什布西拉

布法依當阿總管富登阿副將達自祥等帶領

馬步兵勇連夜由銅罐溝大廟抄截令叅將李

東山何君佐等帶領步兵由虎溪山進剿二十

六日午後趕至鴨保溪追及賊匪

臣

亦由大廟

趕來追殺三十餘里沿途斃賊一百二三十名
生擒劉佐輔何袁氏等六十九名口餘賊向陝
界分逃訊據活賊供稱元帥名張應祥有五六
百人總在山裏往來近在茅壩又與青號餘匪
張二和尚帶二百餘人合夥商量要到湖北等
語除難民劉佐輔何袁氏等三十八名口照例
省釋外其王起華等三十一名概卽正法人數

愈少奔竄愈捷偶被官兵前後堵截又復旁竄

踣荒而逃是兵去賊聚兵來賊散者皆由兵勇

服色旗號與賊各別遙望卽能分曉遂致賊匪

見兵先逃臣現擬以每隊挑出奮勇兵勇二百

名爲一起派令幹練勇往千把員弁管領裹糧

數日概用黃白藍布號片扮作賊狀豎賊營大

小旗號每起又令投出賊匪數人同行遇有零

賊或佯爲入夥剿擊或當前突入刦殺或乘夜
搶撲賊營嗣有藍翎千總高星文何友富陳偉

等並各營兵勇告請前往者六七百名

臣親加

獎諭以毋論何股賊匪多少遇賊卽剿按耳給

賞有能擒渠者卽行解營毋論員弁兵勇遵照

前頒賞格給以翎頂官職銀兩又因賊匪常有

假充官兵今官兵又扮作教匪形跡混淆恐沿

途之洞寨難以分曉俱各給以護牌爲照並令
各洞寨密爲遍傳無分兵賊總不准其入寨如
能協同搜拏亦卽一體加賞高星文卽帶兵勇

二百名爲一起令由湖北之張公橋雙橋子一

路何友富由向家壩一路陳偉由四川之二郎

壩一路探蹤搜捕二十九日據高星文稟報行

抵燈盞窩左手老林內有賊匪二三百人因見

我兵係賊匪旗號卽遙喊前來會哨高星文令賊營投首出力之韓自貴答以口號公然不疑

及至覲面問答似覺相疑高星文等喊同衆兵
勇刀砍矛戳立斃賊五六十名趕追十餘里擒
獲張萬祿等二十三名餘匪落荒散竄訊係黃
號內敗殘賊匪李大品除難民張萬祿等十五
名給票釋放外其江佐廷等十八名均已斬訖嗣

據七十五來信自黃墩水寨子追賊過陝由南
天門而至紫陽四季河知苟逆已回川境復向
茅壩折回二十四日探得平利小榆河竄來一
股賊匪八九百人七十五督率將弁兵勇趕至
手扒巖正值賊匪進溝官兵突出截爲兩段賊
卽佔住兩旁山梁副都統銜武隆阿叅將鄭啟
貴都司羅思舉等衝上擒獲活賊五名賊卽散

走追至廻龍溪殺賊五六十名擒獲劉其玉等
四十餘名次日帶兵抄出小榆河沿途又殺賊
十餘人擒獲大小男婦十餘名口賊又翻山逃
入川陝界上老林七十五隨由矛壩一碗泉入
川二十七日又探得烏龍溪一帶現有賊匪由
五池子而來七十五派令武隆阿羅思舉等帶
領兵勇剿殺斃賊十餘名擒獲金倫等八名十

月初一日據賽冲阿温春差來驍騎校富興等
到營報稱連日冒雨由竹谿大石崖前河一帶
趕追龍逆二十七日早間在陝西平利所屬之

汝溪盤龍山岳家坪衝踏賊營將首逆龍紹周

殲斃全股賊匪掃盡並肅四合夥餘匪一併剿

除查驗龍紹周首級衆認確實無疑

臣詳詢情

形實屬真切軍民間知無不歡欣鼓舞俟龍紹

周首級送到驗明確實係何人殲斃及窮追打
仗情形並出力將領員弁兵勇等另行具奏再
查楚陝已無大股賊匪卽樊逆合藍白號餘匪
不過數百人現經總兵穆克登布趕追已至平
利鎮坪一帶惟苟文明湯思蛟劉潮選李炳及
高見奇魏棒棒姚馨佐等賊匪共三四股而每
股亦不過一二千人均已逼入川省境內

臣惟

有與額勒登保勒保等將此數股賊匪迅速趕
緊剿除其二省邊界零匪亦卽公同籌商設法
務期殲除淨盡迅速蒞事奏入

上命軍機大臣傳諭德楞泰日前經德楞泰等將龍
紹周妻子兄弟並大小頭目疊次殲除該逆復與
各股零匪合夥往興巴房竹及大寧一帶老山內
奔竄輾轉稽誅經德楞泰督同賽冲阿溫春等分

兵追躡冒雨前進在陝四平利所屬之岳家坪等處衝踏賊營將首逆龍紹周殲斃全股賊匪掃淨並將蕭四合夥餘匪一併剿除所辦可嘉之至此次剿斃龍逆係賽冲阿温春帶兵剿辦而調度得宜實屬德楞泰之功德楞泰賽冲阿温春著先行交部議敘並賞給德楞泰玉四喜葫蘆牌玉喜字搬指大小荷包賞給賽冲阿温春玉喜字搬指大

小荷包並發去鼻烟壺搬指搬指套各十件一兩
重銀牌二百面五錢重銀牌二百面交德楞泰分
賞出力將弁兵勇以示獎勵俟德楞泰查明該逆
係何人殲斃及如何窮追打仗情形並出力將領
員弁兵勇到日另降恩旨現在龍逆股匪既經殲
除賽冲阿溫春又可騰出兵力以目前賊勢而論
俱係零星小股惟湯劉股匪人數稍多德楞泰應

令賽冲阿温春順道先將山內餘匪剿竣卽歸入
德楞泰軍營幫同勒保合力剿辦湯劉二逆或德
楞泰統兵剿辦湯劉大股令賽冲阿温春就近分
剿餘匪總在德楞泰酌量機宜妥爲籌辦朕亦不
爲遙制其川北殘敗之賊亦祇有李彬一股與王
冉餘黨合夥屢經降旨令額勒登保就近兼顧茲
據德楞泰奏稱已移咨額勒登保商令撥派將弁

卽赴通江但此股賊匪爲數較多德楞泰務當飛
咨額勒登保督兵上緊剿除至所稱令官兵扮作
賊狀前往攻撲賊營一節所辦甚是但此係官兵
初次假裝該逆等未能知覺猝不及防官兵得以
乘機掩殺若屢行此計賊匪自必知覺別生詭詐
不可不防况賊匪前此卽有假扮官兵之事今官
兵又扮作教匪形跡混淆或臨陣時不暇辨別稍

有錯悞轉致墮賊奸計關係非小務當留心慎重
再此時大功將次告竣所剩餘匪往往百十爲羣
藏匿山谷官兵追捕稍不留意倘賊匪乘間突出
或致我兵稍有損折尤屬不值德楞泰當密諭帶
兵將弁於奮勉之中加以持重不可稍涉大意

十五日^{戊午}勒保奏言^臣前在達州盧洞寺魏家

溝一帶剽劫湯劉等逆散出新裹難民二千餘

人維時該逆等被官兵剿敗分逃有竄入東鄉
太平之勢其達州附近地方誠恐尙有餘匪藏

匿

臣

當卽一面派令阿哈保薛大烈等帶領馬

步兵勇先行緊躡追剿一面酌留兵力在達州

梁山大竹等處山林搜捕餘匪據新寧縣稟報

該縣所屬普安場相近地方黑夜有賊匪摸樁

臣

當卽督同副將倭星額等帶兵前往途次復

據探報達州大竹交界之蒲包山尚有零匪藏

匿晝伏夜出隨即分派叅將張明德遊擊夏雲

龍等帶領兵勇趕往搜剿臣二十五日行至普

安場該處場集未被焚掠詢之居民據稱天池

寺涼風埡一帶林箐有賊出沒摸樁附近居民

有被掠去者臣當即分派將弁兵勇督同鄉團

西路進山搜緝共獲九十七名內有陳國良等

四十五名訊係普安場附近之人甫經被擄當
卽釋放其李添允等五十二名訊係湯劉股內
戰手旣行正法又據叅將張明德回營稟稱在
蒲包山一帶督同鄉團搜獲打散零星賊匪周
老三等四十九名押解前來俱訊明正法訖旋
據探報賊匪竄至南壩場因前隊官兵已至下
八廟該匪不敢竄走太平卽折向紫水壩燈草

壩一路奔竄該處東走開縣可入雲陽萬縣東
北卽通馬家營老林阿哈保薛大烈等已改道
由三灘口長店房溫湯井一帶抄截等語

臣

卽

從普安場起身由永興場向南壩場一路進發
以遏賊匪西竄之路初二日至南壩場接據阿
哈保薛大烈等呈報官兵於二十九日由溫湯
井趕抵榨井壩探得該匪屯聚王家坪相距四

十五里當於四更發兵初一日黎明趕至王家
坪山梁賊匪業已起行我兵隨向北斗關進發
扼住賊竄馬家營之路途次據逃出難民供稱
賊匪派有戰手五六百人埋伏楊坡樹林內要
截官兵後路阿哈保薛大烈等問明路徑先行
搜捕適有騎馬賊匪數人假充官兵向教學硎
探聽消息經硎民識破該匪驚逃我兵卽跟蹤

迎剿該匪奔上羊耳叢山梁佔踞阿哈保薛大
烈督同達斯呼爾岱副總管格亨得爾委叅領
台清阿副將張績海常等分投進攻該匪不能
抵敵殺賊五六十名生擒六十八名內訊出僞
總兵黎潮順大旗手張名揚探馬頭陳元順葉
時芳等四名其餘皆屬戰手訊明後分別凌遲
正法卽督兵趕緊前進並據各路探報該匪等

已分竄土黃壩樊噲店八臺山等處現在一面

飛飭阿哈保薛大烈帶兵趕緊追剿

臣

卽由五

寶場一路兜截前進又據通江縣徐廷鈺稟稱

張添倫一股殘匪近由西鄉簡池壩竄至通江

朱垭廟一帶滋擾該匪股內有襄陽老教堂櫃

閻天明聞有招撫

恩旨意欲帶衆投出心懷疑慮先令夥賊詹佑科到

安輯寨探問虛實路遇差員候補從九品徐若
瀾攔住盤詰詹佑科告知情由該差員隨反復
開導帶令同行至佛子關地方見道旁林內有
人潛匿窺探詹佑科認係閻天明卽招呼出林
告以招撫屬實閻天明遂招同夥四十六人齊
出羅跪懇求免死情願隨同打仗出力該差員
帶回通江經該令徐廷鈺審明閻天明與張添

倫係表兄弟其同夥內尚有偽先鋒陳彥友探

馬頭王正奇大旗手文貴友戰手彭應俸等共

十一名臣現飭該縣暫交候補道劉清處收管

妥為駕馭酌量遣甲其餘被脅難民概行遞籍

安插又據太平縣城口主簿趙炳然稟稱近日

唐明萬股匪數百人竄入城口之黃墩柴家山

一帶擄掠滋擾該主簿聞信即挑選防守鄉勇

二百名並調附近粉壁柴家二寨團勇二百名
乘夜潛往斃賊甚多救出男婦四十一名查城

口團練鄉勇歷年堵剿竄匪最爲得力今該主

簿趙炳然復能督率鄉團各勇乘夜攻殺賊匪

多名實屬可嘉臣現發去銀牌一百面令其分

賞出力團首軍功鄉勇人等其主簿趙炳然如

果始終奮勉出力再行奏請鼓勵奏入

上命軍機大臣傳諭勒保曰湯劉等逆由紫水壩等處奔竄經勒保派令阿哈保薛大烈督同將弁兵勇趕緊追躡殲擒二百餘名賊勢已就窮感無難尅日掃除勒保務須遵照節降諭旨專辦湯劉股匪剿洗淨盡再辦餘股切勿茫無主見舍此就彼昨德楞泰已將龍紹周一股辦竣卽日移師馳赴川東協剿湯劉股匪可收兩面夾擊之效其李彬

一股昨亦令德楞泰飛咨額勒登保督兵上緊剿
除勒保更可無庸兼顧惟當堅持定見與德楞泰

併力合攻將湯劉一股迅速辦竣至張添倫股匪

閻天明招同夥黨自行投出勒保卽交劉清收管

遣用劉清雖爲賊匪素守信服但此等匪徒心懷

狡詐若明示招撫日聚日多難保不又生反側目

下辦賊究宜以剿爲正辦其自行投出者原不必

拒而不納惟受撫則可而四處招徠則斷不可卽
此次投出閻天明等數十人亦祇應令其各回原
籍何必留營遣用刻下大功將竣各路俱有兵勇
足資得力又何藉投出賊夥同打仗且兵勇等
殺賊立功可以量予官職此項罪在不赦之人貸
其一死已屬格外施恩卽有微勞豈能驟邀錄用
應卽令劉清明白曉諭該匪等凡係從賊之人但

經官兵拏獲俱屬罪犯凌遲斬決至伊等積年老
教於法本無可貸幸而伊等悔罪投出皇上如天
好生之德不追既往寬以一綫實屬法外施仁伊
等當各回原籍安靜守法並著各該地方官妥爲
安插隨時稽查嚴加管束勿令滋事至投出夥黨
回籍後恐該處百姓以伊等不齒鄉里互加凌辱
勢必不能相安並著諄諭該處民人等以現在投

出之人不甘爲賊卽與良民無異爾等斷勿存歧
視之見俾得各安其業勉爲良善以靖地方

欽定剿平三省邪匪方略正編卷二百八十

辛酉年

十月十九日

壬戌

吳熊光全保長齡奏言

臣

等前

此分投剿截賊股逼入南山猶在房縣邊境且

房竹境外與川陝接壤因公同籌酌

臣

全保長

齡與總兵孫清元吉林泰德昌王懋賞等各帶

官兵分路扼截以爲犄角

臣

全保將陳士學賊

股剿敗後查陳家鋪爲房竹兩縣東北要隘遂

由秦口移兵陳家鋪旋據總兵吉林泰稟報混
溪一帶另有一股賊匪竄至胡溪該鎮派遊擊
常羣前赴迎截該匪又由石板河竄至唐家坪

臣全保查該匪已至唐家坪必東竄小深河長

峪河等處當卽親率叅將孫應奉等帶領兵勇
連夜馳赴長峪河迎剿並派侍衛富翰總管都
當河叅將德興等帶兵赴得勝坡一路攔截派

侍衛塔津保叅將承祿赴獐洛河一路扼堵初

五日辰刻臣全保馳抵長峪河賊匪正從此一

路前來兵勇設伏山後待該匪竄近衝出迎頭

截殺該匪竄上山頭臣全保與叅將孫應奉等

率兵撲剿該匪翻落小溝官兵乘勢下壓斃賊

二百餘名該匪亂竄官兵追擊二十餘里沿途

復斃賊百數十人生擒執旗指揮衆賊之騎馬

賊目一名步賊五十二名餘匪竄至梯子溝侍
衛富翰與叅將德興分兩路抄截斃賊二十三
名生擒僞先鋒張世才彭潮良二名散賊二十
一名其餘帶傷逃遁者亦多該侍衛追至葛籐
口復獲男婦十六名口餘匪折竄獐洛河高淌
河又經侍衛塔津保叅將承祿帶兵扼截該匪
敗遁南竄白河口老林當將兩次獲賊審訊僉

供此股本係戴四掌櫃與陳大麻子陳士學爲

首陳大麻子一夥在竹山黨家溝被官兵剿殺

大衆逃散後到陝西地方遇戴家營會合逃竄

因陝西無食可掠又聞陳士學投入龍八營內

合夥戴掌櫃亦從唐家坪竄至等語內執旗騎

馬賊一名係張起倫乃張添倫堂弟又張世才

彭潮良二名爲賊營先鋒與旗手矛手張玉欄

等六十二名分別懲割正法其餘余應可曾陳
氏等四十七名口發給路票資送回籍查戴家
營賊股此次經官兵迎頭截殺殲擒過半偽節

先鋒已一併就擒餘匪自易殄滅

臣

長齡前因

龍八陳士學一股折向東南奔鼠帶兵自東而
西在高淌河獅子巖等處攔剿沿途俱有殲擒
該匪晝夜狂竄從向家壩邊界遠去現據探報

房縣南山另有賊匪竄匿臣由上龕移兵官渡

一帶拒剿如遇戴家營殘匪南竄亦得攔頭迎

截至青號王四一股竄至興山副將樊雄楚叅

將烏爾卿額管總武成額叅領特克興額遊擊

毛秉剛等帶兵抄至土地嶺正值該匪在馬家

河攻撲民寨毛秉剛同都司陳安信等帶兵由

土地嶺左山壓下樊雄楚同烏爾卿額武成額

特克興額帶兵由漆家坪隨進該匪疾竄民寨
得保無虞毛秉剛奮力追擊斃賊六七十人至
猫兒觀地方前有溪河一道該匪涉水奔逃淹
斃五六十人追至石虎頭又遇樊雄楚等與毛
秉剛合力並剿斃賊八九十人生擒徐宗順等
二十八名訊據賊供此股頭人係王姓元帥又
有龍逆股內之何總兵帶領散賊二百餘人合

夥當卽分別正法內有關成富等十四名訊係
被裹當卽省釋餘匪仍向興山屬之王家壩一

路逃遁又據德昌稟報陝境石札河一帶九月

二十八日有賊一股滋擾逼近楚界該鎮率同

遊擊歐國光守備方雲超等往剿至釘鈿溝遇

賊該鎮率同將弁兵勇攔頭轟擊斃賊七八十

名生擒向成鈞等九名訊據賊供係崔宗和股

內餘匪經七十五在大榆河剿敗逃散後復又

會合思入楚境今被官兵剿敗該匪仍向陝境

遁逸又據臣全保派往邊界招撫之通判王樹

勲會同守備胡宗典稟報九月二十日探得賊

匪在竹谿邊外之一碗泉地方該通判守備等

前赴西溝一路設法招撫據外委萬祖連等探

有兩股賊匪先後向太平溪奔走後隊之賊趕

上前隊互相攙殺相離西溝不遠該通判守備
帶兵前往迎截當有賊隊散出男婦紛紛來降
該通判守備等令願投出者拋棄器械奔避上
山後隊之賊竟向官兵直撲該通判守備等率
兵施放鎗礮轟斃賊匪二十餘名該匪仍向一
碗泉竄走當查投出男婦共七十五名口多係
川陝大寧太平紫陽平利等縣民人卽發給路

票盤費遣令回籍並移知各原籍地方官妥爲

安頓臣等復查川陝各股零匪每遇官兵剿急

輒思奔擾楚境蹤跡益形飄忽楚境邊界綿長

兵力只有此數雖有臣全保長齡兩路策應之

兵但合計不及二千餘名臣等再四籌商現在

各賊股人數無多其勢散漫剿則易於殲除堵

則難於防範不若合楚省現有兵力分扼房竹

東北一帶腹地則爲途較近聲勢易於聯絡遇

有賊至卽扼住東北兩面分投截剿俾分竄之

賊節節受制自可早就掃除而各路將弁兵勇

一經派往俱思奮勉立力較更得力統俟邊境

肅清其時川陝賊股如尙未一律殲滅盡淨再

當相機設防連日各路打仗兵勇間有傷亡另

行查明咨部辦理奏入

上命軍機大臣傳諭全保長齡曰此次戴家營設匪
在長峪河一帶奔竄經全保督率叅將孫應奉等
帶領兵勇星夜馳赴該處分路截剿先後斬獲六
百餘人並生擒僞元帥張起倫僞先鋒張世才彭
潮良實屬奮勇可嘉全保著賞給白玉搬指玻璃
盒大小荷包孫應奉著賞給綠玉搬指大小荷包
並發去玉搬指鼻煙壺各十件令全保分賞出力

員弁此時楚省餘匪均已敗殘吳熊光現在馳赴
隨州辦理流棍所有各股殘匪卽責成全保長齡
上緊搜淨至楚省邊界綿長現在賊數日少存兵
只有此數與其將所用之兵在無賊處所防守不
若撤回各營隨同打仗聲勢更爲聯絡全保等可
卽將此項兵勇檄調來營分扼房竹東北一帶俾
分竄之賊處處受制可期剋日蕩平

二十日癸亥額勒登保奏言臣於初二三等日偵

探各股匪蹤截剿接據探報高見奇股匪數百
人竄至通江鐵廠河勢將西竄與我軍相距二
百餘里當卽派令副將張廷楷叅將特依順保
遊擊劉健標等挑帶兵勇千餘名由桂門關黃
栢埡往擊初四日午後進抵蟒洞溝遇該匪竄
至官弁兵勇等追趕數十里沿途斬戮四五十

人生得盧開甲等三十五名餘匪由大小苟坪

折向東趨張廷楷等將所獲各犯解送

臣營仍

卽由青磁子一帶跟蹤追去

臣

當訊獲犯皆係

積年老賊均卽正法適接據道員劉清遊擊陳

弼等稟報李彬股匪於巴州之石窩場通江之

瓦石舖奔竄劉清陳弼等率領壯勇截剿於蕭

口地方殺賊三十餘名撲河死者十數人並投

出孔老八等三十六名餘匪由毛峪鎮竄向南

江境內臣一面札調副將張廷楷所帶兵勇前

來歸併協剿一面飭令格布舍楊芳等就近在

彼探剿高見奇股匪初五日率同楊遇春等取

道鷹嘴巖兩河口馬家臺而進初七日馳抵平

河探知李彬股匪已入廣元地界初八九兩日

帶領官兵兼程進發由三家壩出通坪偵知賊

匪竄至高坡東溪場西至百丈關只七八十里

卽於三更時發兵臣與楊遇春分爲先後相繼

前進楊遇春與副都統銜全德率同副將張瑗

蕭福祿叅將吳廷剛等帶領兵勇先顧百丈關

午後趕抵該處正遇騎馬賊探十餘人經前隊

馬兵追獲二名訊稱李彬大股現在柳溪溝花

廟子屯劄差來探聽官兵消息等語當將該二

犯砍斃臣一面督率兵勇由段家埡迎頭進發

該匪已由柳溪溝竄上贊家梁臣率同副將陳

尚德叅將唐文淑等帶領後隊兵勇自旺蒼壩

捷徑翻老土地大山亦趕到贊家梁兩路馬步

兵勇奮力進擊斬獲七八十人賊匪潰竄復趕

過兩重大山沿途又殲斃五十餘名生擒七十

餘名賊衆向苟家梁遁去時已昏暮官兵卽於

金寶山暫劄訊據獲賊吳良文等供稱係李彬

股匪及王冉餘匪竄合一處原有二千餘人向

在通巴一帶奔竄近因外間有人招令出投李

彬恐人心不齊夥黨解散要往陝西使衆人離

家漸遠不敢散出今日到柳溪溝探明路徑明

日要由旺蒼壩出百丈關過河不想被官兵迎

殺大夥仍已折回等供除將從逆日久之吳良

文羅會周等三十七名正法外其餘係附近被

脅之人卽行釋放探得該匪連日向東南竄至

蒼溪地界次日

臣

仍率楊遇春等五鼓進兵由

黑元壩亮垭子至木門適副將張廷楷等所帶

兵勇亦趕到會合現卽加緊追剿不予以暇以

期痛加殲洗至姚馨佐魏逆等餘匪現在南廣

一帶藏匿張添倫殘匪經慶成慶溥等於寧羌

之二郎壩等處截回亦匿入南廣山內現在勒

保派令總兵田朝貴帶領兵勇前來協剿李彬

賊匪

臣

已飛札飭令該鎮卽赴廣元一帶剿辦

姚魏等股零賊不許闖入寧羌刻下陝境西北

一帶有慶成慶溥永明等帶兵截剿一時亦不

能他竄

臣

惟鼓勵官兵先將李彬大股辦理得

手再相機督率將南廣一帶賊匪次第肅清

額勒登保又奏言臣欽奉

上諭以李彬魏逆賊匪現年無人跟剿

飭令派員往剿等因伏查李彬本係川境賊匪於通

巴一帶奔竄臣前於西鄉地界剿辦王冉二逆

後卽由西鄉馳抵太平復折向通江原係探剿

李彬等股且以勒保在廣南一帶截剿高魏等

賊若顧住西北將各股匪逼向東來更可兩路

夾擊詎勒保將冉學勝擒獲後高魏姚辛等逆

已乘間由西北竄向寧羗

臣

恐其入棧竄甘又

不得不先其所急至

臣

所帶將弁兵勇除穆克

登布分帶外

臣

及楊遇春所帶合計七千有奇

昨又分爲兩路令格布舍楊芳應元寬等帶領

三千餘名自爲一路兩路又各隨時相機或分

爲三四路四五路不定

臣

往往親率數百人踰

越險阻逐北追奔非不知稍加慎重誠以刻下
賊匪大勢如此非分兵剿捕不能集事至陝境
防剿官兵爲數本多非不可酌量調撥因賊匪
分竄邊境綿長設卡分營皆關緊要不能輕易
調動且各官兵皆非若臣一路習慣奔走之人
只可令其以逸待勞防剿附近賊匪而不能令
其遠道追擊此所以賊股分竄未能逐股分派

追剿也至賊匪大數前次開單具奏時通計尙
有二萬四千餘人茲奉

聖諭以臣及各路節次擒斬賊目核之屢次所奏賊

數現在不及萬人查臣前次所奏賊數亦不過

約畧計算至節次所奏擒斬數目惟實係生擒
者可以按名指數至若臨陣殲斃者勢不能沿
山遍嶺逐一細查亦不過約畧計算若必謂具

奏若干卽實有若干雖臣亦不敢自信至若以

未接仗而言打仗擒斬一人而奏稱十人此則

昧良辜

恩臣斷斷不敢出此各路帶兵大員皆係渥荷

委任之人想亦能從實辦理臣現仍遵

旨將現有賊匪約畧開單恭呈

御覽合計大數一萬有零此外卽有零星無名之賊

未能列入單內者至多亦不過三千人現將大

局情形通盤籌度如高見奇姚馨佐張添倫李

彬龍紹周唐明萬湯思蛟劉潮選苟文明樊人

傑戴四等股賊匪有臣與德楞泰勒保楊遇春

七十五各帶大兵分路剿辦自可計日殲除其

中有能首夥全行淨盡者固屬甚善但恐各股

再加痛剿之後人數益屬無多無論首逆已除

未除而分路奔逃零星日甚川陝楚三省邊界
綿亘數千里處處皆深山老林凡剿敗零匪竄
匿其中官兵一時既莫測其蹤迨至分路探明
遠涉而去該匪早向他處遠颺及至官兵甫經
轉回賊匪又先後踵至輾轉追逐斬獲寥寥而
官兵已疲於奔走此等零匪實非全恃兵力所
能剿捕且亦非急切所能淨盡查川陝楚防剿

官兵不下七八萬刻下賊匪大股未除固不能
卽將防兵裁撤不日大股旣除若以如許官兵
搜捕零匪亦實萬分不值臣竊以首逆中有緊
要著名者不可不趕緊剿除各股中有二千餘
人及千餘人至數百人者不可不迅速撲滅至
若零星餘孽四散分逃總計雖尙可盈千而散
竄實不能滿百毫無伎倆殘喘苟延邊境雖未

盡救寧而大局卽已爲戡定彼時東三省滿兵
及他省漢兵均可酌量奏請撤回所有川陝楚
三省官兵卽各歸本省並挑留隨征得力鄉勇
令本省提鎮大員率領搜捕餘匪臣或於川陝
邊界居中駐紮飭辦現在川陝寨堡聯絡須分
派道府率同州縣及正佐委員團集壯勇並大
示招徠各零股有人數較多者則以兵勇擊之

人數無幾者則以寨勇緝之如有逃散悔罪投誠之人卽查明有無產業分別安置寨勇內有能搜捕出力或能設法招致出投卽隨時酌量賞資以示獎勵如現在陝省道員朱勳川省道員劉清皆已辦有成效可見事屬易行至各省官兵需用鹽糧有限

國帑不致多糜而本省提鎮將弁帶領兵勇分段

併力搜拿責有攸歸亦不敢稽延再留餘孽此

臣籌畫大畧情形如此俟大局一定當與德楞

泰勒保長麟吳熊光等公同籌議詳晰奏

聞臣現仍鼓勵官兵上緊剿辦不敢只擒首逆置餘

匪爲後圖亦不敢忽視餘氛致事後復有滋蔓

同日德楞泰奏言臣昨據差報官兵在陝西平

利屬之盤龍山括家坪已將龍紹周殲斃茲查

得龍逆被逼出山向西奔逃二十六日官兵冒

雨趕至竹谿上鵝坪時已傍晚而南江河溪水

漲發急溜洶湧雨雪交加賊匪搶得小漁船二

隻渡後打沉兵至河岸水深浪大卽於就近林

內令衆兵勇砍伐樹木趕搭浮橋步兵先過雪

勢愈大卽暫屯於瓦房溝一面差探賊蹤去後

賽冲阿温春等馬隊至夜始過亥刻探得龍逆

紮於隔山三十餘里之汝溪該處先有由曾家
壩竄來一股零星賊匪一百餘人屯踞龍逆已
與合夥賽沖阿溫春等公同商酌賊匪諒官兵
不能渡河其心必怠正當乘雪夜而進總兵蒲
尙佐副將李應貴叅將馬元馬應國遊擊涂陞
卽帶步隊兵勇連夜冒雪前行賽沖阿溫春色
爾滾馬瑜等繼進又據千總史定川等帶寨民

羅正高等前來詢稱兩股賊匪合夥約有三四
百人屯於岳家坪係在盤龍山藥山老扒之前
如從前面攻打賊匪必鑽入老林惟右手新寨
子後有小路進盤龍山老林卽在岳家坪背後
可以截賊竄入老林之路隨令李應貴涂陞都
司彭家棟叅革都司馬光宇藍翎千總史定川
藍翎鄉勇首謝金章等先帶兵勇由新寨子小

路進盤龍山老林扼其去路蒲尙佐叅將馬濟
遊擊沈洪都司賀廷印守備熊敏謙千總馬正
朝等由南向東北走中寨子繞過賊巢之南温
春色爾滾侍衛達勒精阿蘇爾伸副總管蘇清
阿叅將馬應國都司珠勒亨候補守備龍必達
由中分爲兩路直衝賊巢賽冲阿馬瑜侍衛富
僧德協領穆騰額佐領達春遊擊張應貴都司

曾壽守備謝成貴由左手楊溪山梁走大柴溝

西面扼據曾家壩之路計李應貴等之兵約入

盤龍山老林抵岳家坪背後溫春色爾滾蒲尙

佐三路分投而進雪深過膝天甫黎明適又大

霧瀰漫賊衆全不知覺馬元馬應國等卽率兵

勇衝進猝加剿殺賊衆慌亂向藥山老扒奔逃

正遇李應貴之兵兜頭殺出溫春色爾滾等帶

馬步兵抄來賊遂敗奔下山蒲尙佐等又由汝溪山梁左邊而來立殺賊一百五十六名生擒八十三名有鄉勇李大朝魏忠才林材見一賊身材高大料係頭目趕前戮殺該逆疾走被橫木絆倒李大朝用矛刺中背心該逆急起猶復奪矛被魏忠才林材從傍趕來連刺而死餘賊百餘人盡皆跌坎滾崖死者六七十名尙有三

四十人向曾家壩西竄又被賽沖阿馬瑜等迎
備言頭截殺立盡又有竄賊三十餘名遁入藥山老

扒林內馬元馬應國復帶兵勇趕入全行剿殺

並無一名漏網臣前恐龍逆被獲刻難辨認有

賊營投出情愿出力殺賊之楊正理楊正修胡

世貴席國倫等隨作眼目嗣李大朝等呈繳首

級前來當經楊正理等指認僉供實係龍紹周

復令於擒獲各逆內指出藍號偽總兵胡潮位
一名於賊屍內指出偽總兵曹應彪偽先鋒劉
泗玉賴大魁總探馬何義元孔添太偽千總王
興旺等多名遂將龍逆屍軀變割訊明獲犯均
係矛手概卽正法查前奉

諭旨賞格內龍紹周若能臨陣殲斃者官員加一等
陞擢兵勇卽拔補千總並賞銀五百兩今鄉勇

大恩 李大朝等係三人擒殺擬以銀三百兩賞給李

大朝并賞戴藍翎卽以千總拔補以銀二百兩

分賞魏忠才林材二人均賞給七品頂戴請以

把總拔補藍翎千總史定川於追剿龍逆時帶

領兵勇哨探賊情奮勇倍著打仗最爲出力

臣

於前奉

頒賞花翎四枝內先行傳

旨賞換花翎又查追剿龍逆滿漢馬步兵勇旋轉於
興房巴竹巫大老山之內爲五年以來未有之

辛苦臣卽傳集滿漢各營馬步兵勇宣示

皇仁賞銀三千兩令其均勻分給復面加剴切曉諭
兵勇無不踴躍感發奮興並查明最爲出力之
將領員弁兵勇等繕單奏懇

天恩

德楞泰又奏言據千總高星文何有富等稟報
擒斬李士品餘匪後探明川楚界連之南坪地

方現有賊匪二百餘人在彼擄掠殺傷百姓數
人該弁等於初三日分路夾擊殺賊四十餘名

擒獲活賊陳崇禮等十七名該逆由磨刀溪鑽

越老林向大禾田竄來查大禾田距徐家壩五

六十里臣於初五日清晨得信卽派侍衛法依

當阿克什布總管富登阿協領明德副將達自
祥叅將李東山帶領馬步兵勇五百名向東北
迎截午刻趕抵大禾田正值高星文等趕追賊
匪下山我兵疾馳迎剿兩面夾擊立殺賊匪一

百餘名生擒李尙文等二十五名此起賊匪卽
時全數掃盡訊據李尙文等供稱係青號玉山
股內夥匪並訊出難民陳崇禮等二十八名均

卽給票省釋其李尙文等十五名俱係老教當
卽正法初七日又接七十五來信帶兵前赴太
平專剿苟逆因取道烏龍溪後坪山內前進初
三日至和岡溪有賊匪迎頭而來卽令副將張
良槐拏營令副都統銜武隆阿都司羅思舉蒲
佑盛守備李朝帶領兵勇兜剿七十五自率遊
擊蕭太和沈文同等繼進至烏龍溪匪衆卽佔

住山梁武隆阿等飛馳由燕子壩趕至三十餘
里之凌洞埡大山絕頂路徑陡窄棄馬緊追匪
衆憑高拋擲礮石我兵冒石仰攻七十五見恃
險費力卽令營總傅森額帶馬隊由溝底旁抄
橫截令叅將鄭啟貴帶兵繞出八步雲之前武
隆阿等見已分兵抄截一擁而上痛加剌殺外
委張興邦帶領兵勇立斃數賊餘衆敗下八步

雲我兵三面兜剿斬殺百餘人友滾巖並自刎
者只竄去賊二三十人拿獲活賊一百六十三
名查出僞總兵王曰貴劉登科僞先鋒石正清
僞千總方明富傳教老師田進榮等訊據劉登
科供係龍紹周股內總兵在開縣一帶游奕陸
續會合老藍號先鋒石正清帶有二三十人白
號老師田進榮千總方明富有五六十人老黃

號總兵王曰貴亦有四五十人青號老師龍連
達馮大寬亦有八九十人等語除訊明新擄各
寨難民秦有諒等二十七名省釋外其王曰貴

等均卽正法至七十五所剿之王曰貴等股賊

匪三百餘名卽係臣前奏開縣楊柳池不知姓

名賊匪三百多人所供情節相符因知勒保東
來是以聞風入山茲幸剿除又去一小股零匪

並聞湯劉二逆已至開縣向北而逃走榨井壩

而至太平七十五現向太平山內前進

臣擬由

夔府之寶塔紅池壩入山探蹤迎擊冀與勒保
或能兜剿或爲兩面夾擊由東北逼向川北又
可與經畧額勒登保合力剿辦均奏入

上諭內閣曰額勒登保於嘉慶元年冬間攻克湖南
平隴賊巢曾經賞給侯爵並雙眼花翎二年春間

苗疆事竣帶兵前往湖北因剿辦教匪遲延革去
侯爵授爲伯爵又因擒捕首逆覃加耀辦理遲緩
革去伯爵及領侍衛內大臣都統後復授爲經畧
大臣又因屢次殲擒首逆冷添祿阮正滢龐洪勝
伍金柱王廷詔高二馬五節經加恩復予優擢遞
封二等子爵賞還雙眼花翎數年以來所至之處
身先士卒調度有方楊遇春等節次生擒渠魁皆

係額勒登保分出兵力調遣合宜故能所向克捷
將十餘萬之賊殄除殆盡所餘僅十分之一現在
川北地方惟李彬一股駁匪尙有二千餘人較之
從前擒獲各首逆股內人數亦相去懸絕目下額
勒登保復帶兵前往通江一帶奮力截剿卽日定
可殲淨其另摺所奏軍務戡定情形及搜捕餘匪
辦理善後各事宜皆與朕每日指示軍機大臣等

意旨不謀而合具見額勒登保胸有把握籌畫全局悉中肯綮深堪嘉獎額勒登保著加恩晉封三等伯並賞給黃面貂皮馬褂俟李彬一股剿淨後再加懋賞德楞泰亦因平苗蕝功賞給子爵及雙眼花翎剿辦教匪在穀城殺賊千餘復賞用紫韁旋因追剿齊王氏姚之富等未能迅速將伊所得世職花翎紫韁革去自嘉慶四年以後節次殲

擒首逆冉文儔高均德楊開第徐愾謨等而其功

績最著者尤在截剿偷渡嘉陵江股匪生擒首逆

冉添元保全川西數百萬生靈至今該處民人無

不感頌疊次加恩復遞封爲一等子賞還雙眼花

翎本年又將徐添德龍紹周兩股劇賊全行殲滅

厥功甚偉著加恩晉封二等伯並賞給黃面貂皮

馬褂此時川東惟湯劉二逆尙有二千餘人德楞

秦現由夔州入山迎擊與勒保兩面夾剿即可盡
數掃除俟湯劉股匪辦理完竣再當加恩優獎賽
沖阿溫春在德楞泰一路帶兵剿賊凡德楞泰所
得之功伊二人俱協同出力雖疊次仰邀恩賞交
部議敘尙未得有世職此次殲斃龍紹周係伊二
人帶兵剿辦賽沖阿著加恩賞騎都尉世職並賞
給海龍馬褂溫春著加恩賞雲騎尉世職並賞給

黃面烏雲豹馬褂以示獎勵至軍機大臣慶桂董
誥戴衢亨數年以來承旨書諭尙能周到勤勉著
加恩交部從優議敘成德本年甫令在軍機處行
走亦著加恩交部議敘軍機章京章煦自剿辦教
匪以來所有軍營事件係一手繕辦是以節次加
恩陞擢昨因陞用大理寺少卿軍機大臣奏明不
應在軍機章京上行走特降旨暫留並著加恩交

集三卷牙貝之皇朝卷三頁
部從優議敘其餘出力章京等著慶桂等擇其尤
爲勤慎者奏明交部議敘

上又諭內閣曰德楞泰奏查明軍營出力將領員弁
兵勇請旨分別陞賞此次剿除龍紹周全股賊匪
該將領員弁兵勇等奔走荒山窮谷不避險阻奮
力剿賊實屬可嘉頭等侍衛喀爾崇依巴圖魯達
勒精阿著賞給副都統銜黑龍江粘杆副首領蘇

伯通額巴圖魯蘇清阿著賞補副總管吉林領催
委官獎賞藍翎福柱賞給西濟爾渾巴圖魯名號
粘杆副驍騎校獎賞藍翎常德賞給呼爾察巴圖
魯名號各賞銀一百兩副將李應貴著加恩記名
以總兵用叅將馬應國著加恩賞給副將銜遇缺
陞用叅將馬濟著賞給伊特格勒特依巴圖魯名
號遊擊涂陞著賞給烏勒興額巴圖魯名號各賞

銀一百兩都司彭家棟著賞換花翎守備李榮陸
把總岳廷森外委李登俊柳占魁買朝柱高維章
額外外委袁崇朱仲魁兵丁張應才徐元貴劉占
一周朝李自貴王廷耀楊貴鄉勇李開先劉奉武
鄧玉陞楊昌泰俱加恩賞戴藍翎已革都司馬光
宇著加恩賞給守備銜遇缺補用又據稱知縣徐
士林鹽大使米喬齡均能不分畛域挽運軍糧並

從九品李弼隨營日久始終奮勉徐士林著加恩
賞給知州銜遇缺陞補米喬齡路遇散匪擊拿活
賊二名尤爲奮勇著加恩賞戴藍翎卽以知縣陞
補李弼著加恩以縣丞陞用該員現在丁憂俟服
闋後仍赴陝省卽行陞補此外尙有出力員弁並
著德楞泰查明具奏

上命軍機大臣傳諭額勒登保曰李彬大股賊匪由

巴州通江一帶竄至廣元地界經額勒登保親督
兵勇趕至贊家梁奮力進擊斬獲二百餘名所辦
甚好此時川北賊匪惟此一股人數較多額勒登
保惟當堅持定見將此股首夥賊匪全數掃除再
辦他股現在湯劉股匪已有德楞泰勒保專辦苟
樊等逆亦交七十五專辦其餘各股零匪均有各
將領分追額勒登保儘可毋庸兼顧惟當專心辦

理李彬大股捷音一到尙當續沛厚恩至所稱各

股賊匪大數不過一萬有零擬將一二大股撲滅

後大局戡定卽將滿漢官兵以次撤回專責本省

提鎮大員督率本省兵勇分投搜捕並派明幹道

府設法招致等語此朕宵旰籌畫與軍機大臣等

時時議及必當如此辦理今額勒登保意見悉合

似此通盤籌算允爲成竹在胸不愧經畧之任惟

應勉益加勉迅奏大功

上又命軍機大臣傳諭德楞泰曰此次殲斃龍紹周
係鄉勇李大朝用矛刺中該逆背心該逆急起奪
矛復被鄉勇魏忠才林材從傍趕來連刺而死現
經德楞泰遵照前旨分別賞擢李大朝魏忠才林
材著再加恩每人加賞銀一百兩其帶領兵勇奮
勉最著之藍翎千總史定川著加恩賞換花翎所

有各營馬步兵勇著賞銀三千兩以示鼓勵又據

奏分兵搜捕零匪移師趕剿湯劉賊股並七十五

殄除零星賊股仍向太平探剿苟逆各情形所辦

俱好其擒獲之李尙文等訊係王山股內匪黨又

七十五擒獲之王曰貴等股賊匪雖係小股零匪

均經官兵殲除川楚邊界漸就肅清亦屬美事此

時川東賊匪中惟湯劉二逆係屬大股德楞泰擬

欽定剿平三省邪匪方略正編卷二百八十一

辛酉年

十月二十三日

丙寅

勒保奏言探得湯劉等逆被

官兵連日兜剿所有分竄土黃壩樊噲店等處

之賊均有奔竄八臺山之勢該處路通城口並

馬家營等處老林

臣

一面飛飭阿哈保薛大烈

等先行抄截八臺山去路

臣

一面帶兵由土黃

壩樊噲店進發初五日該匪等已竄過太平之

舊縣壩距八臺山七八十里薛大烈等當卽帶
兵向油房溝抄出臣緊躡賊尾前進初六日申

刻該匪竄至八臺山下之後漕子山溝屯聚薛

大烈等卽派副都統銜協領達斯呼爾岱副總

管格亨得爾委叅領台清阿等帶領馬隊從山

後溝內繞出薛大烈督同副將張績海常叅將

李錦麟羅聲臯等帶領官兵翻山下壓又派遊

擊桂涵晉之璉分帶鄉勇潛赴後漕子左右山
坳埋伏乘夜進發天將明時官兵大隊翻過山
頂堽口賊匪倉皇四散我兵鎗箭齊發斃賊百
餘名生擒男婦一百五十七名口適達斯呼爾
岱等馬隊由山溝抄出追殺又斃賊數十名桂
涵晉之璉等埋伏山坳亦擒獲竄散賊匪八十
七名當將所擒男婦查訊內有探馬頭張大文

旗手馬良成郁二榆及戰手湯廷輔等六十四
名審明後卽行正法其餘高心全金謝氏等一
百七十七名口均係新擄難民照例遣送回籍

探得該匪連夜由白沙河向邱家坪窩坑一路

逃竄薛大烈等緊躡追擊臣帶兵自土黃壩樊

噲店一路沿途搜獲落後賊匪共計一百十二
名內有何金桂等八十九名均係被脅未久之

人當卽給與路票口糧遣令回籍其餘劉長貴等二十三名俱係戰手當卽正法初七日趕至

白沙河適薛大烈追賊已至該處遂與會合緊

躡賊蹤由虎溪壩趙家壩高坡子官渡灣等處

直追至太平西鄉交界之界牌地方賊匪向西

由魚渡壩木竹河一路逃去初九日薛大烈帶

領官兵追入西鄉激勵將士不帶鍋帳各裹乾

糧連夜進發賊匪先向九真壩奔竄我兵從長
嶺抄道截住賊匪折向泉溪河有竄簡池壩之
勢我兵復抄出饒子壩截住賊匪隨折回南竄
我兵趲行一晝夜計程二百三四十里初十日
未刻直追至通江縣屬羅村地方趕及賊匪詎
該匪分出戰手四五百人據險抵敵其餘先行
翻山奔走薛大烈當卽率同達斯呼爾岱格亨

得爾張績羅聲臯桂涵傅廷佐等督率馬步官
兵鎗箭齊發斃賊二百餘名餘匪潰逃薛大烈
等復督兵緊躡沿途拿獲男婦一百十四名口
內訊出大旗手王朝禮羅思萬高廷舉及戰手
劉大成等共三十一名當卽正法其餘男婦葉
向蔡冉王氏等八十三名口訊係江北長壽大
竹等處被裹未久之人均派弁兵解交太平縣

分別遣送回籍該逆等由竹峪關向絲羅壩一

帶竄去維時

臣

聞薛大烈已將賊匪截回川境

當卽趕向前敵督剿十二日行抵官壩適薛大

烈帶兵前來會合查絲羅壩係通江地方西走

巴州卽係腹地南走黃中堡等處路通後河係

太平運道若官兵尾追前進轉恐賊匪深入腹

地或擾及運道是以

臣

督同薛大烈等從太平

抄向清花溪長壩一路兜剿以冀及早辦竣至
李彬股匪據候補道劉清稟報近日竄至楊家
坪當派守備何天順帶兵由程子山土牆坪一
路堵截該道會同遊擊陳弼帶領鄉勇向烟溪
一路進發九月二十四日李彬行至瓦石舖躡
水過河陳弼督率軍功李盛玉何成龍帶領鄉
勇並賊夥內新近投出之李元受等突出衝擊

立時斃賊三十餘名賊中臨陣棄械投出頭領
龐位聰李彬之妻舅張二猴子探馬頭孟存義
王志大旗手王守尊及戰手王長子等六十三
名餘匪撲水淹斃者甚多李彬亦撲水過河仍
向楊家坪一路逃去二十六日賊匪復由馬草
坪竄至雞子頂守備何天順督兵在山梁截住
該匪沿河向毛峪鎮奔竄該道帶領李元受等

招令賊夥投出免死當有僞總兵孔老入泗水

過河來投又據通江縣知縣徐廷鈺稟稱辛聰

殺匪近由陝竄入通江當有新投出之老教掌

櫃閔天明等稱與辛聰平素相好情愿寄信前

往招撫查通南一帶賊股自李元受投出之後

賊夥聞風踵至者頗多招撫似有成效但賊性

狡猾難憑終須懾以兵威

臣

前派總兵田朝貴

帶兵前往目下已與劉清會合諒劉清得此兵力聲勢更壯可以剌撫兼施至

臣

一路連日追

賊打仗官兵並無傷損惟因賊踪散竄分路差人偵探有探事把總何正貴兵丁王正剛錢貴等遇賊被圍擄去王正剛錢貴乘間逃回據稱把總何正貴被賊捉去時直認係探事差官罵賊不屈被害甚慘查何正貴微末弁員能知大

義不屈於賊致被慘害殊堪嘉憫可否優加議
卹之處出自

聖恩奏入

上命軍機大臣傳諭勒保曰此次湯劉等逆由太平
之舊縣壩竄至八臺山屯聚經勒保督同薛大烈
等趕緊追剿先後共殲擒四百餘名殺賊雖不爲
多但該匪被剿緊急向陝省西鄉之漁渡壩一帶

奔竄時勒保當將滿漢將弁交薛大烈帶領緊追復將該匪兜截回川不使深入陝境所辦尙是薛大烈鼓勵兵勇晝夜追剿不辭勞瘁其功甚屬可嘉著交部議叙至李彬一股經劉清帶領鄉勇於烟溪一帶奮力剿捕該匪隻身撲水過河向楊家坪逃逸看來李彬已就窮蹙其股內之僞總兵孔老八棄械來投情形似近真切但賊匪反覆靡常

究難盡信卽投出之閩天明等稱與辛聰平日相
好情愿前往招撫該逆等果能悔罪投誠自當貸
其一死若必招之使來恐該逆等以官兵急將蕞
事勸令投順或竟有挾而求必得官職始肯投出
殊屬不成事體况鄉勇等隨征打仗立功方能與
以官職而此等投出匪徒旣免其死復又遽邀職
賞鄉勇聞之寧無解體目下機宜以剿爲正辦受

撫則可招降則斷可不必前據德楞泰奏已將龍
紹周一股辦竣卽日移師馳赴川東協剿湯劉股
匪勒保此次發摺想尙未接到此信現在湯劉一

股係勒保專辦所剩不過千餘人如於德楞泰未
到之先能將此股迅速殲淨卽係勒保首功必當
懋膺上賞方今氣候凝寒朕廑念軍營帶兵勞勩
著賞給勒保貂皮馬褂一件齒大烈天馬皮馬褂

一件以示體恤勒保等尤當勉益加勉不可因賊
已潰敗稍爲鬆勁此次差往偵探之把總何正貴
罵賊身死甚屬可嘉著加恩照千總陣亡例咨部
賜卹

二十九日壬申德楞泰奏言臣於初八日移師西

進探剿湯劉二逆卽由大寧之徐家壩取道寶
塔行走十三日行抵竹谿屬之張公橋途次探

報紅茶園一帶有由湖北水田坪竄來賊匪二

百餘名滋擾卽派令總兵蒲尙佐協領明德副

總管蘇清阿叅將馬應國馬元遊擊沈洪等帶

領兵勇前往剿捕臣仍帶大隊由通坪西行十

五日行次寶塔該處係夔州府開縣分路之處

所有前調太平之兵馬軍裝陸續趕運到營因

營中尙有綠營兵百餘名患病未痊臣親加查

驗均令遣回原營調治以示體恤而節糜費現在存營滿漢馬步兵勇四千餘員名以之調派剿辦儘敷佈置十六日蒲尙佐等帶兵回營稟稱十三日行抵清平寨詢據寨民彭安國稱昨有一股賊匪二百餘人由竹谿薛家坪田家坪竄屯紅茶園當因霧雪交作天色已晚我兵屯於寨後次日天明蒲尙佐乘霧雪瀰漫之際卽

將兵勇分爲三路令叅將馬應國都司曾壽守
備李榮陞龍必達帶兵勇由左手混沌溝抄出
紅茶園之北令叅將馬元都司彭家棟守備李
鳳鳴帶兵勇由右手雙家槽出紅茶園之東蒲
尙佐率領協領明德副總管蘇清阿遊擊沈洪
都司賀廷印叅革都司馬光宇帶兵勇由南面
二層山老林直搗賊巢三路進剿賊衆慌亂直

向張磨寨狂逃官兵齊力趕追殺賊二十餘名
生擒田國柱等二十餘名訊稱此股賊匪元帥
係葛騰勝不過二百餘人蒲尙佐等奮力趕追
沿途殺賊五十餘名生擒潘登才等七十餘名
餘匪被追竄走全竹槽鑽入老林詎該處前面
盡係峭壁懸崖我兵分投三面圍剿殘匪無路
奔逃盡被截向西面崖邊滾崖跌死並無一名

漏網旋派令兵勇繞至崖下見跌死賊屍四十餘軀卽割取首級令投首出力之席國倫楊正修等逐一指認內有襄陽教首吳天珍僞元帥葛騰勝旗手楊文等首級三顆其餘俱係陳賊並令田國柱等指認確實隨將獲犯一并解到訊出被擄難民羅希臣等四十八名就近交奉節縣妥爲安插其田國柱潘登才等四十七名

均係戰手一概正法惟近據梁山縣稟報大竹

渠縣界上另有一股不知姓名賊匪滋擾無兵

跟剿有奔竄下游之勢又據探報雲陽沙沱子

地方現有賊匪數百名在彼游奕查大竹渠縣

係屬腹地該處前有湯劉二逆竄擾擄掠經勒

保帶兵甫行肅清而湯劉二逆敗殘後又向溫

湯井一帶逃竄勒保督率阿哈保薛大烈等已

帶兵緊躡前進至大竹渠縣雲陽兩處之賊現

在雖無兵剿辦而賊踪已在我兵之西臣卽帶

兵西進確探兩處賊情何股就近卽當趕緊剿

除奏入

上命軍機大臣傳諭德楞泰曰此次德楞泰本欲移
師西向探剿湯劉二逆中途至紅茶園地方知有
賊匪二百餘人在彼竄屯當派將弁兵勇三路進

攻殲斃僞元帥葛騰勝並殲獲賊匪共一百六十
餘名其餘皆滾崖跌斃雖係零星小股並無一名
漏網所辦尙好其出力將弁統俟大功告竣一體
加恩又據稱大竹渠縣兩處均有不知姓名賊匪
在彼游奕此等股匪或百十人或一二百人到處
竄匿恐此外尙有無名匪徒在老林內遁藏均須
搜捕淨盡德楞秦或親自督兵剿辦或派員分投

剿洗總期隨剿隨進勿留餘孽德楞泰沿途辦竣
零星賊匪自應馳赴太平一帶會同勒保剿辦湯
劉大股之賊以期迅速歲事

同日慶成奏言臣前隨經畧額勒登保一路於

川陝邊界帶兵剿賊至南江水田坪因有張添

倫一股賊匪西奔廣元寧羌一帶老林額勒登

保令臣帶兵趕回截剿並令會同副都統慶溥

於陝境西北一帶防堵臣當卽趕回與慶溥籌

備堵剿事宜並偵探張逆竄踪進剿嗣據探報

張添倫股匪西奔廣元之兩會寺溫水壩一帶

該處有不知姓名賊匪一千餘人自八九月間

遊奕至今倚恃山險林深出没擄掠張逆亦卽

前往合夥等語臣當卽帶領兵勇由卦子山入

林探剿至寧羌之常家岩該匪等西竄尖場子

張家溝距廣元縣一百餘里恐其繞出西北

臣

隨將步兵留紮關口壩卡外先帶官兵馳往廣

元以北曾家河王家壩等處探迎並知會川省

備糧傳諭附近義團民勇協同向南迎擊該匪

等竟由尖場子折回右奔流沙坡之勢並聞張

逆已分夥向東南逃遁逃遁現在之賊係楊開甲餘

孽臣先派關口壩防卡叅將李殿元等抽帶兵

勇赴瘦嶺子以遏該匪復折西北之路又令叅

將吳亨衍遊擊張聯奎等速帶步兵鄉勇趕緊

自東北進剿

臣

亦卽趕赴東南接續步隊進剿

十五日二更發兵天甫黎明齊到流沙坡賊匪

不料官兵驟至驚慌退拒叅將吳亨衍遊擊張

聯奎都司李廷彪馬伏全守備王登科等分帶

兵勇奮力攻撲賊匪傍林恃險捨命滾石抵禦

正在相持守備張起鰲分帶兵勇從旁衝入賊
隊各兵勇乘勢搶上山梁併力剿殺將賊分作
三股兵勇分投截殺忽見賊中一人持刀攔砍
敗賊退而復回直前衝撲愍不畏死我兵施放
鎗礮力敵守備張起鰲帶領兵勇壓下斃賊二
三十名該匪敗潰我兵爭先追剿又斃賊五六
十名生擒一百餘名當賊匪驚亂敗竄之初有

鄉勇吳炳通認定持刀攔回敗匪之人首先奮

勇殺入賊羣捉獲扭下崖坎把總齊慎馳往協

同擒住訊係此股首逆楊麟生係楊開甲之子

臣仍督催兵勇分投追剿三四十里沿路斃賊

一百七十八名生擒二百七十七名各路搜林

又獲賊四十一名前後共計殺賊二百數十名

生擒五百二十一名查訊獲賊內有川楚積年

戰手陳高等八十九名並認出僞先鋒張文喜
總探馬頭李奎二人當卽全行正法有新擄附
近民人全良貴等一百十五名並川陝被裹民
人二百七十餘名分別給票遞籍安置首逆楊
麟生訊取確供卽行臠割以彰

國憲此股西北游奕之賊已經剿潰尙有張魏兩
小股先後東遁並接西鄉一帶營卡稟報又有

兩股不知姓名零匪向西竄來臣現帶兵勇卽

由沿卡探蹤向東前進再接慶溥來信探聞十

六日夜間忽有賊匪一二百人由老林突出板

蒼壩向西逃竄尙未接據各營卡稟報不知何

股殘孽現帶弁兵趕往攔剿並知會總兵永明

亦帶兵由大路抄迎等語查漢南沔寧一帶慶

溥永明去後別無大員現在川境大兵以次剿

賊難保餘匪不奔竄陝界在在均須嚴堵臣若

復追剿零匪更覺空虛隨派陝西遊擊張汝勤

抽帶鄉勇三百餘名又檄調寧羌營弁兵二百

餘名先赴棧道向西路黑河一帶探蹤併力截

剿仍聽慶溥隨時調遣以期及早掃淨伏思臣

等屢奉

諭旨飭令嚴防賊匪竄越乃臣在慶元縣流沙坡剿

賊之日突有零星殘匪乘夜逃竄西路究係防
範不密所致咎無可辭除將防卡踈縱之員查
明具報經畧劾叅懲治外應將臣踈防之處一
併呈報經畧額勒登保據實叅奏奏入

上命軍機大臣傳諭慶成曰慶成帶兵馳赴廣元流
沙坡地方生擒楊開甲之子楊麟生及偽先鋒張
文喜等痛殲賊匪所辦甚好實屬可嘉慶成著加

恩賞給一品頂戴守備張起鰲分帶兵勇直入賊
隊斃賊甚多亦屬奮勇著加恩以都司陞用鄉勇
吳炳通把總齊慎拿獲逆匪楊麟生均屬出力把
總齊慎卽著以千總陞用鄉勇吳炳通如本有頂
戴著加陞一等如無頂戴著加恩賞給八品頂戴
並賞戴藍翎其餘如尙有出力將弁著慶成查明
呈送經畧額勒登保具奏至此股賊匪併首逆姓

名向來總未據各軍營提過又據稱張魏兩小股

先後東遁又西鄉一帶有兩股不知姓名零匪向

西竄來可見川陝交界地方此等素未知名匿匪

尚多慶成係專派在陝境西北一帶防堵之員若

必待賊匪竄近始行剿辦則此股甫淨他股又來

何時始能辦竣惟當隨時偵探何處有賊藏匿或

分派將弁前往搜捕或親往督剿使該匪等不能

潛身山內以期搜捕淨盡至所稱接到慶溥來信
探聞忽有賊匪一三百人由老林突出向西逃竄
慶溥永明各帶兵勇前往追捕一節此股賊匪雖
祇一二百人但向黑河一帶奔竄距甘肅地界不
遠倘任其竄入甘境又形散漫慶成當知會慶溥
永明等務將此股截回陝境迅速殄除至此股零
匪係從何處汎地衝出向西逃竄著慶成將防卡

踈縱之員查明一併具報經畧叅奏